



Statsforvaltaren i Vestland
Njøsavegen 2
6863 Leikanger

Referanser:
Dykkar:
Vår: 21/381 - 22/46705

Saksbehandlar:
Tone Furustøl
tone.furustol@alver.kommune.no

Dato:
17.06.2022

Stadfestar mottatt klage og vurdering av utsatt iverksetting - gbnr 338/40 Refskar

Tiltak: flytebyggje
Byggjestad: Gbnr: 338/40
Tiltakshavar: Kristin Ulvang
Ansvarleg søkjar:

Vi stadfestar med dette å ha mottatt dykkar klage på vedtak om dispensasjon frå plankravet, datert 23.03.2022, for etablering av flytebyggje med landgang innan rett tid den 04.05.2022.

Sakshandsamingsfristen for klage er 8 veker. Der det er gjeve utsett iverksetting av vedtak er fristen 6 veker.

Klagen kan føre til at vedtaket vert endra av administrasjonen, jf. forvaltningslova § 33.

Dersom administrasjonen opprettheldt vedtaket, vert klagen handsama av Utval for areal, plan og miljø. Møta vert halde på Region Nordhordland Helsehus (RNH), Kvassnesvegen 40, 5914 Isdalstø. Meir informasjon om politiske møte ligg på Alver kommune si heimeside, sjå [her](#).

Handsaminga i Utval for areal, plan og miljø kan føre til at vedtaket vert endra, jf. forvaltningslova § 33. Vedtaket er då eit nytt enkeltvedtak som det er klagerett på. Vert administrasjonen sitt vedtak oppretthaldt av Utval for areal, plan og miljø, vert klagen sendt til Statsforvaltaren i Vestland (tidlegare Fylkesmannen i Vestland) for endeleg avgjerd.

Vurdering av utsett iverksetting av vedtak

I mottatt klage er det bedt om utsett iverksetting av vedtak datert 23.03.2022 med saknr. 040/22. Oppmoding om utsett iverksetting vert handsama uavhengig av sjølve klagehandsaminga.

Utgangspunktet er at vedtak i byggesaker kan setjast i verk straks dei er vedtekne og gjort kjend for partane. Når eit vedtak er klaga på, kan underinstansen fatte avgjerd om at eit vedtak ikkje skal setjast i verk før klagen er endeleg avgjort.

Avgjerda vert gjort ut i frå ei heilskapleg og konkret vurdering av klagen og av dei ulike interessene og tilhøva som gjeld sjølve saka. Det sentrale for avgjerda vil vera ei vurdering av dei fordelar og ulemper ei avgjerd om utsett iverksetting vil gje, td. uoppretteleg skade eller tap for partane.

I vedtaket som er fatta er det gitt dispensasjon frå plankravet for etablering av flytebryggje med landgang. Det er søkt om både dispensasjon og søknad om oppføring av flytebryggje til eksisterande naust. I skriv av 08.10.21 ber tiltakshavar kommunen om å ikkje handsama søknad om tiltaket dersom negativt svar på søknad om dispensasjon vert gjeve. Administrasjonen gav avslag på søknad om dispensasjon i skriv av 10.12.21. Søknad om tiltak etter pbl. §20-1 er difor ikkje handsama av administrasjonen. Det ligg no føre dispensasjon frå plankravet gjeve av Utval for areal, plan og miljø (APM), datert 23.03.2022, for etablering av flytebryggje med landgang.

Administrasjonen vurderer at det er grunnlag for å gje utsett iverksetting av vedtaket om dispensasjon frå plankravet inntil klagesaka er avgjort. I vurderinga av saka har administrasjonen lagt særleg vekt på at det ikkje er føremålstenleg å handsama søknaden om oppføring av flytebryggje til eksisterande naust før klagen på dispensasjonsvedtaket er endeleg avgjort. Ei eventuell omgjerding av vedtaket som no ligg føre vil kunne føra til at det vert gitt løyve til oppføring av flytebryggje til eksisterande naust på feil grunnlag slik at også dette vedtaket må endrast. Det er vidare lagt vekt på at eit vedtak om utsett iverksetting får liten konsekvens for tiltakshavar.

Det vert gjeve utsett iverksetting av vedtaket om dispensasjon fatta av Utval for areal, plan og miljø (APM) i møte 23.03.2022 med saknr. 040/22.

Denne avgjerda er ei prosessuell avgjerd og kan ikkje klagast på. Statsforvaltaren i Vestland kan på sjølvstendig grunnlag ta stilling til spørsmålet om utsett iverksetting i saka. Eventuelle førespurnadar om dette kan rettast direkte til Statsforvaltaren i Vestland.

Aktuelt regelverk

- Frist for handsaming av klage går fram av byggesaksforskrifta (SAK) § 7-1 første ledd bokstav c.
- Frist for handsaming av klage viss det er gitt utsatt iverksetting går fram av SAK § 7-1 første ledd bokstav f.
- Kommunen kan endre vedtaket på bakgrunn av klaga, jf. forvaltningslova (fvl) § 33.
- Utsett iverksetting av tiltak har grunnlag i fvl § 42.
- Krav om utsatt iverksetting skal vurderast med bakgrunn i Ombodsmannen si årsmelding av 1985 på s. 154.

Med vennleg helsing
Alver kommune, Miljø og tilsyn

Eirik Berntsen
Avdelingsleiar

Tone Furustøl
Rådgjevar

Dette dokumentet er elektronisk godkjent og har difor ingen signatur.

Kopi til:

Bjørn Ulvang	Bønesheien 156	5154	BØNES
Bjørn Ulvang	Bønesheien 156	5154	BØNES
Kristin Ulvang	Bønesheien 156	5154	BØNES
Kristin Ulvang	Bønesheien 156	5154	BØNES
Marit Rifsgård	HÅVARDSTUNVEGEN 32F	5254	SANDSLI
Yngve Nilsen	Håvardstunvegen 32 F	5254	SANDSLI
Yngve Nilsen	Håvardstunvegen 32 F	5254	SANDSLI

Mottakarar:

Statsforvaltaren I Vestland	Njøsavegen 2	6863	Leikanger
-----------------------------	--------------	------	-----------